



Pou Piblikasyon Imedya: 12/12/2023

GOUVÈNÈ KATHY HOCHUL

GOUVÈNÈ HOCHUL SIYEN LWA ANGELICA, KI PWOTEJE NOUYÒKÈ YO KONT CHOFÈ ENPRIDAN, DANJERE YO

*Lejislasyon an elaji deli premye degré ki agrave pou konduit san lisans yon
veyikil a motè*

*Lejislasyon an ki pote non sa pou onore Angelica Nappi, Long Island, ke yon
chofè san lisans ki gen plizyè sispanson anvan sa, te touye an 2008*

Gouvènè Kathy Hochul te siyen jodi a, lejislasyon S.4671/A.3983, Lwa Angelica, ki pwoteje Nouyòkè yo kont konduit enpridan ki danjere. Lwa a diminye kantite sispanson lisans anvan ki nesesè pou kalifye pou operasyon san lisans ki agrave yon veyikil a motè nan premye degré, yon krim klas E. Gouvènè Hochul te ratifye lejislasyon an nan lokal Depatman Veyikil a Motè a (Department of Motor Vehicles, DMV) Garden City a, kote fanmi Angelica Nappi ki te pèdi lavi li apre yon chofè ki gen plizyè sispanson anvan te touye li.

"Sekirite piblik se priyrite prensipal mwen, epi mwen angaje pou m fè tout sa ki posib pou kenbe Nouyòkè yo an sekirite," **Gouvènè Hochul te deklare.** "Apre Angelica Nappi te pèdi lavi nan fason trajik plis pase yon deseni de sa, fanmi li te kanalize doulè yo an objektif pou pouse lejislasyon sa. Mwen onore pou kanpe ak fanmi Angelica pandan n ap siyen lwa sa epi fè wout nou yo pou sekirize pou tout moun."

Angelica Nappi ki soti Holbrook te gen sèlman 14 lane an 2008 lè yon chofè ki pa t gen yon lisans valid epi ki te gen plis pase senk sispanson lisans anvan te frape li epi tiye li. Lwa Angelica a ap ede kenbe chofè ki gen sispanson anvan yo lwen wout la lè yo aplike yon krim pou chofè ki refè krim lan plizyè fwa ki kondui veyikil san yon lisans valid apre yo fin komèt senk oswa plis vyolasyon ki te lakoz sispanson oswa anilasyon anvan.

**Komisè Depatman Veyikil a Motè Eta New York la ak Prezidan Komite Sekirite
Sikilasyon Gouvènè a (Governor's Traffic Safety Committee), Mark J.F.
Schroeder, te deklare,** "Se misyon nou nan DMV ak Komite Sekirite Sikilasyon
Gouvènè a pou anpeche trajedi tankou sa pou yo pa rive ankò. Lwa sa ap mete chofè ki konstaman danjere yo sou obsèvasyon. Mwen bat bravo pou Gouvènè a, Lejislati a ak

manman Angelica dèsk yo defann lejislasyon enpòtan sa k ap rann lari nou yo pi an sekirite pou tout moun."

Senatè Eta a, Kevin Thomas te deklare, "Nan yon moman kote n ap obsève yon ogmantasyon ki alaman nan aksidan mòtèl nan Long Island ki mete moun tout laj an danje, mwen rekonesan a Gouvènè Hochul dèsk li adopte Lwa Angelica a, ke yo rele konsan nan Ionè Angelica Nappi ki te pèdi lavi li kriyèlman avèk sèt sispansyon anvan an 2008. Jodi a se yon triyonf pou manman Angelica, Dawn, ki te goumen pou rann wout nou yo sekirize pandan plis pase 15 lane nan memwa pitit fi li a paske li te konnen ke chanjman sa yo te posib epi nesesè. Chanjman sa yo ap voye yon mesaj klè bay chofè yo ki vyole lalwa konstaman ke y ap fè fas ak konsekans grav pou zak kriminèl yo. Se chofè ensousyan epi danjere yo ki te lakoz lanmò ki te ka evite tankou pa Angelica a – e yo dwe retire yo nan wout la."

Manm Asamble Fred Thiele te deklare, "Otowout publik nou yo espesyalman Long Island, ka yon kote ki danjere. Amelyorasyon sekirite otowout yo dwe toujou objektif primòdjal nou pou New York. Youn nan gwo menas pou publik la se miltiplikasyon chofè san lisans ki kontinye kondui veyikil a motè, malgre yo site yo plizyè fwa dèsk yo gen yon lisans ki sispann oswa anile. Angelica Nappi se te yon viktim trajik de youn nan chofè ensousyan epi irresponsab sa yo. Mwen remèsyé manman li, Dawn Nappi, pou pèsistans dezenterese li pou asire ke lòt paran pa soufri de pèt trajik li te andire a. Defans li pou "Lwa Angelica" a te konvenkan pou kòlèg travay nou yo nan Albany. Lwa Angelica a ap founi yon blokaj enpòtan pou kondwit san lisans yon veyikil a motè. Nouvo lwa a ap diminye kantite krim yo a mwatye pou yon kondanasyon pou krim pou konduit yon veyikil san lisans ki agrave. Mwen remèsyé Gouvènè Hochul dèsk li ratifye lejislasyon sa k ap rann wout nou yo mwens danjere."

Manman Angelica, Dawn Riendeau, te deklare, "Prèsk 16 lane apre, yo te mete ann egzekisyón konba mwen pou wout ki pi sekirize. Mwen konnen Angelica fyè."

Lwa Angelica a apiye angajman Gouvènè Hochul pou rann wout New York yo pi an sekirite lè li lite kont chofè danjere yo. Nan mwa septanm lan, nan repons ak mesaj Gouvènè a nan Diskou sou Sityasyon Eta a an 2023, [Depatman Veyikil a Motè a te pwopoze chanjman règlemantasyon](#) pou ranfòse kapasite li pou retire chofè ki angaje nan konpòtman ki riske yo sou wout la epi rann li pi difisil pou agresè kwonik yo rekipere privilèj pou kondui yo.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)